









1604

RESOLVTIE

**V**anden Staeten van  
Hollandt/ op seeckere Vertooche aen hem-luy-  
den ghedaen/ van weghen den Dienaers  
des Goddelijcken Woordes van Ker-  
ken van Hollandt.



TOT DELF,  
By Aelbrecht Hendricksz. Drucker Ordinaris der Stae-  
ten s'Landts van Hollandt, 1587.



749 a

Handwritten text in a historical script, likely Latin or Dutch, appearing as a title or introductory paragraph at the top of the page.



Handwritten text at the bottom of the page, possibly a signature, date, or concluding remarks, written in the same historical script as the top section.



¶ Resolutie vanden Staeten van Hollandt op seeckere  
Vertooch aen hemluyden ghedaen, van vveghen den  
Dienaers des Goddelijcken vvoorts vande Kercken  
van Hollandt.

**D**ie Eedelen en Ghedeputeerden vanden Ste-  
den van Hollandt en West-vrieslandt Staets-  
ghewijse vergadert / ghehoort / ghesien ende  
gheexamineert hebbende / het Vertooch aen  
hem-luyde by Henricum Corputium / Arnol-  
dum Cornelij / Petrum Hoozeau ende Petrum Euerardi /  
Dienaren des Goddelijck Woordts in qualiteyt als gelast  
byden Ghedeputeerden der Kercken van Zuyt en Noort-  
hollandt / ghedaen ende ouergheleuert den ij<sup>en</sup>. deser maent  
vā October / Hebbe naer ripe deliberatie daer op voor ant-  
woort verclaert dat de Staten van Hollandt zedert den aen-  
vanck vanden jeghenwoordighen Oirloghe / alle heure ac-  
tien daer nae hebben ghedirigeert dat den Welstandt deser  
Landen / by handt-houdinge vande waere Christelicke ge-  
reformeerde Religie / Eentsamenlick die gherechticheyde /  
vryheden / privilegien ende loffelijcke ghebruycke deser Lā-  
den mochten worden ghevoordert en gheconserveert / daer-  
ijne sy luyden met alsulcke standevasticheydt / niet min in  
teghenspoet als in voorspoet hebbē gecontinueert / (sonder  
hem deur eenich ghewelt ofte aengheboden accoorden daer  
van te laten diverteren / als sy oock vorder verhoopen met  
Godes hulpe te continueren / ) dat sy vastelick vertrouwen  
dat Godt den Heere Almachtich hem daer deur ouer dese  
Landē vorder erbarmen en een gheluckighe wtcomste ver-  
leenen sal / tot welcken en gheyn ander eynde die onderrech-  
tinghe die sy luyden aen eenighe Dienaren des Goddelijc-  
ken woorts voor winteren lest-leden hebben doē doen / ooc  
ghestrect heeft op dat de selve en haere mede-broederē daer  
van verseeckert zijnde / des te beter mochten gherust zijn int  
A ij trouwe



trouwelick bedienen van hare opgheleyde Ampten / en be-  
vorderen van alle eenicheyt ende gherusticheyt onder de ge-  
meente/en is den Staeten van herten lief / dat by eenen pe-  
ghelycken den Welstandt deser Landen toeghedaeen / ende  
bysonder byden Dienaren des Goddelijcken Woorts hen-  
lupden vertoont en gheopent wort / t'ghene totte voorszeyde  
Welstandt noodich soude moghen wesen.

**A**lle vrome Christenen ende goede Patriottē hebben  
meer als reden omme van herten bedroeft te wesen/  
(ghelijck die Staeten voorsz mit en onder hem-lup-  
den wt gantscher herten bedroeft zijn) dat inde naeste vier  
verleden Jaren den cours onses voordeels optē al-ghemey-  
nen Opandt des Vader-landts en der Kerckē Christi is ge-  
stoptet / ende dat die Landē in af-breck / verderff en verloop/  
gheromen zijn / Maer voorzaer de Staeten voornoemt en  
kunnen bouē die ghemeene oirsaecke vandien (wesende onse  
sonden) gheen ander vinden dā dat eenighe / so groote Per-  
sonnagien als andere / hen inde Regieringhe (onder pretext  
vande ghereformeerde Religie seer grootelick toeghedaeen te  
wesen) eerst in de Naghebuere Provincien gheingereert / en  
aen hare syde eenighe vande principaelste Dienaers des  
Goddelicken Woorts ghereghen hebbende / het vper van  
tweedracht ende oneenicheydt / Is tusschen die Heeren ende  
Personnagien als den Provincien (professie vāde gherefor-  
meerde Religie doende) sulcx hebben ghestoort / dat sy eerst  
seckeren langhen tijdt so int openbaer als onder die handt/  
niet andersen hebbē ghearbeydt dā omme mijn Heere den  
Prince van Orangien Hooch-loflijcker Ghedachten (die so  
veel voorde Welstant deser Landen mit goet ende bloet ge-  
daen ende gheleden hadde) ende den Staeten van Hollant  
en Zeelant / (die hen so vromelick / getrouwelic / onverader-  
lyck / ende soo veel jaren ten seluen eynde ghequeten hebben)  
onder die goede ghemeente in haet / op-spraeck ende naedē-  
ken



ken te brengen/ende tselve te weghe ghebracht hebbende/  
hebben het eynde haere voornemens gheopenbaert en ten  
effecte ghebracht/namentlick de landen ende steden in haer  
ghewelt wesende den ghemeenen Opanden overghelueert/  
ende den seluen vanden gheheelen Welstandt/die gherefor-  
meerde Religie/Gherechticheden/Opgheden/Privilegien  
ende Loffelijcke ghebruycken berooft en in ontfalkijcke swa-  
richeden ghebracht/ende voorts so openbaerlijck als onder  
de handt ghetracht/met brieuen aen verschepden steden ge-  
sonden en anderstints/omnie den steden van Hollandt ende  
Zeelandt voek daer toe te brengen / ofte onder den seluen  
schenkinghe ende diuisie te maecten/ende hoewel veele van  
hem-luyden inde Regieringhe en t'Gouvernement geweest  
zijnde/als oock eenighe Dienaers des Goddelickē Woorts  
(wiens verraderie ende hypocrisie te seer notoir was) byden  
ghemeenen Opanden ghebleuen zijn / hebbende de Waere  
Christelijcke Religie aff-ghegaen ende openbaerlijcken ver-  
laeckt: Soo staet nochtans ten hoochsten te beduchten dat  
veel anderē (wiens handelinge so opēbaer niet en is) hen als  
boncken vā voorsz vier des tweedzachts en oneenicheyts  
inde landē van Hollant Zeelā en andere vereenichde Pro-  
vintien verspreyt hebben/en dat de selve so wel inde Kercke-  
lijcke als wereltlijcke Regieringe onder voorsz pretext van  
Religie hem indringende/dese Landen gheerne in ghelijcke  
staet souden brengen als sy haer eyghen Vader-landt hebbē  
ghedaē / maer dat sy-luyden hem inde weech bindende den  
Statē van Hollant/Zeelandt en Vriesslant/mitzgaders die  
ouerghelueuen Heeren vanden huyse van Nassau en haere  
gheaffectioneerden/nyet en weten by wat middelen sy-luy-  
den alle die vanden voorsz huyse van Nassau/de Gedelē/die  
Magistraten vanden Steden van Hollandt/Zeelant ende  
Vriesslant/ende anderen wiens onveranderlijcke getrou-  
wichheidt voorde defentie vande Landen ten vollē beproeft  
ende besocht is/vermaecten/en in haet/opspreeck/en nae-  
dencken



bencken bande ghemeente ende alle de werelt souden conne  
brenghen / der Landen wel-varen en widdelē tot niet marc-  
ken / vzeemde ende onghewende Regieringhen vooz staen /  
milverstanden en oneenicheden inde Landen brengen ende  
voeden / hier toe verstaen de Staten dat ghelopen en ghe-  
draeft / gheschreuen en ghesonden wort nacht ende dach / en  
dat veele eenvoudighe menschen schandelycken misleypdt  
worden / de welcke haere misleypdinghe eerst beclagen sullē /  
(ten sy sy-luyden daer van in tyds desisterē /) als het te laet  
en de sake buyten remedie wesen sal / gelinc die erēpelen van  
de andere Provintien en steden daer van noch soo versch en  
notoir zijn / dat ten hoochsten te verwonderē is dat by veele  
ende bysonder by eenige Dienaers des Goddelickē woort  
de selue tot gheen beter spieghel ghebruyckt en worden.

**D**ie Staeten voorn vertrouwen hen vastelijcken dat  
de Co<sup>ke</sup>. Ma<sup>r</sup>. van Enghelandt ( die Godt den Hee-  
re Almachtich met soo groote wijsheyt / voorszichtig-  
hepdt / goedertierenhepdt en Conincklijke deuchden heeft  
begaeft ) het loflike Tractaet tusschen haere Ma<sup>r</sup>. ende de  
vereenichde Neder-landen ghemaect niet en sal tot niet lae-  
ten loopē / ofte haer vā dese landen scheydē / wt saecke dat de  
Staten begeeren te hant houdē en vooz te staen tgenz daer-  
omme sy-luyden indē Cirloghe gecomen zijn / so veel duyset  
menschē gebleuen / so veel landen en steden gherupneert en  
inde wterste desolatie sijn en voozde conservatie vā welcke  
hare Ma<sup>r</sup>. secours versocht en belooft is / maer hebbē veel eer  
een vast betrouwē dat hare Ma<sup>r</sup>. vā stantvasticheyt vāden  
Staten wel bericht zijnde haer secours vermeerderē / en dat  
Godt den Heere Almachtich hare Ma<sup>r</sup>. hart en oec die har-  
ten van andere Christelijcke Potentaten te miter verweckē  
sal / totte hant-houdinge en wt-voeringe vā onse rechtuaer-  
dighe saecke. Ten welcken eynde die Statē voorn tot beāt-  
woordinghe van zijne Ex<sup>te</sup>. overgeleuerde gheschryfte hare  
resolutie



resolutie sulcx gedreſteert hebben dat sy niet byper consciētē  
voor God den Heere Almachtich en alle die werelt moghen  
verclaeren niet anders als der landē welstandt en bysonder  
Godes eere en glorie / de behoudenisse van voorsz Christelic-  
ke Religie / die gherechticheyt / vypheden privilegien en lof-  
felijcke ghebruycken vande Landē / (die welcke syluydē vol-  
gende hun opgeleiden Ampt voor te staen en op hare naco-  
mingen te trāsmutterē sijn verbondē en by eede verplicht) /  
daer mede te vorderen en tselue doende / verstaē sy hare Co.  
Ma<sup>r</sup>. en zyne Ex<sup>r</sup>. die meeste eere en dienste te doen / sonder  
dat sy ghelouē dat hare Ma<sup>r</sup>. van hem luyden daer jegens  
pet sal begeeren / nademael sy totte hantthoudinge van dien  
het secours belieft heeft te accorderen / primers en is niet te  
ghelouē dat hare Ma<sup>r</sup>. meeninge ofte wille is dat zyne Ex<sup>r</sup>.  
eenige auctoriteyt in dese landen sal worden toegelatē / jegē  
die vypheden / gerechticheydē / privilegien en loffelijcke ge-  
bruyckē der seluer strydennde / nademael hare Ma<sup>r</sup>. het defe-  
reren vande auctoriteyt originelick aen zyne Ex<sup>r</sup>. gedaen / de  
welcke nochtans (sane en niet judaice verstaen zijnde) mette  
welvaert / gerechticheyt / vypheden / privilegiē en loffelijcke  
ghebruycken der landen wel mochte bestaen / so qualijcken  
ghenomē heeft dat sy deur eenen specialē Gesante die revo-  
catie vā dien heeft doen vorderen / en niet sonder swaricheyt  
daer vā qualijcken gediberteert is gewordē / maer is hooch-  
lijcken te beduchten dat die ghene die van zyne Ex<sup>r</sup>. autho-  
riteyt hoochste spreken / of die executie van ghelijcke voornē-  
men als in Vlaenderen is ghedaen / int maecken van een of-  
keer van minen Heere die Prince vā Orangien H. G. ende  
den Staten van Hollandt en Zeelant / ofte ten minsten hare  
eygen auctoriteyt / beurse en prouffijt soucken te vorderē / en  
deur henluyden hant en na haren welgevallen mit confusie  
begeeren gedaen te hebben t gene met goede correspondētie  
deur den Staeten so generael / als particulier den den G.  
verneurs vande Provincien / Ouersten / en andere Offi-  
or der



ordentlijcken behoort te gheschieden. Willende de Staten  
voorsz den voorsz Dienaren en allen anderen haere Medes-  
broederen / nochmaels wel rondelijcken by desen verclaren  
dat sy met Godes hulpe hopen onveranderlijckē te continu-  
eren / int hanthouden vande Welstant deser landen en byso-  
der van ware Christelijcke ghereformeerde Keligie / die ge-  
rechticheyt / Vyfheyden / Privilegien en loffelijcke gebruy-  
ken der seluer / daer voorsz sy in d' Oirloge getredē zijn / so veel  
geleden en oock mit hare Ma<sup>r</sup>. en zyne Er<sup>e</sup>. getracteer<sup>t</sup> heb-  
ben / en sullen het tractaet mit hare Ma<sup>r</sup>. ghemaect onder-  
houden en die authoziteyt zyne Er<sup>e</sup>. Wettelicken compete-  
rende hanthouden / en daer toe by alle middelen arbeiden /  
omme mit eenicheyt en goede correspondentie soo mit zyne  
Er<sup>e</sup>. als andere Heeren elcx in hare respect en ampt / en nae-  
mentlijcken mede mitte andere vereenichde Provincien / Ste-  
den en leden van dien die landen te helpen conserueren / Be-  
geerende en ampt. haluen Ovdohnerende den voorsz en alle  
anderē Dienaren des Goddelijckē Woorts alle hare actien  
tot goetdicheyt / stichtinge en opbouwinge vande Chri-  
stelijcke Kercke te dirigeren / hem te spiegelen inde exempe-  
len vanden onderganck der Kercken in Vlaenderen / en hen  
wachten van ghelijcken cours als aldaer ghenomen is ge-  
weest / ende voorts God den Heere bidden voor alle hooghe  
en laeghe Quericheden / dat sy hen tot ghelijcken cours niet  
en laeten brenghen / maer in goede eenicheyt elcx haer opge-  
leyde Ampt tot vorderinghe vanden Welstant deser landen  
wt-boeren. Ghedaen tot Haerlem den xvi<sup>en</sup>. Octobris xv<sup>c</sup>.  
seuen en tachtich / Ter Ovdonnanste vande Staeten / On-  
dergheteyckent.



C. de Rechtere.

wo.

ten  
de  
ren  
nu  
sd  
ge  
pe  
necl  
eb  
er  
tes  
en/  
me  
aes  
tes  
Be  
alle  
ien  
ni  
pe  
en  
ge-  
he  
iet  
re  
en  
c.  
na